



ARLOESI

CYFLEOEDD PRENTISIAETH AR GAEL NAWR YN IECHYD A GOFAL DIGIDOL CYMRU ENNILL WRTH DDYSGU

**YDYCH CHI AM CHWARAE EICH
RHAN WRTH HELPŲ I ACHUB
BYWYDAU TRWY GEFNOGI
SYSTEMAU A GWASANAETHAU
GIG CYMRU?**

Iechyd a Gofal Digidol Cymru (DHCW) yw cartref gwasanaethau digidol yn GIG Cymru ac ar hyn o bryd mae gennym bum prentisiaeth amser llawn â thâl ar gael mewn gwahanol feysydd:

TÎM GWASANAETHAU GWYBODAETH (1 BRENTISIAETH)

Bydd y dull o weithio'n hyblyg a bydd hyn yn cael ei drafod yn y cyfweiliad. Byddwch yn ymwneud ag ystod o feysydd, gan gynnwys gweinyddiaeth yn ogystal â darparu cefnogaeth ddadansoddol, modelu a phrosesu data.

Byddwch yn ymateb i geisiadau am wybodaeth i ddarparu data, cynnal adroddiadau a datblygu dangosfyrddau trwy gymhwyso sgiliau dadansoddi a thrin data. Byddwch hefyd yn cael cyfle i weithio gyda'n tîm storio a chaffael data, sy'n casglu data iechyd o bob rhan o GIG Cymru.

Er mwyn cefnogi'ch gwaith gyda'r tîm hwn, byddwch hefyd yn ymgymryd â phrentisiaeth gradd uwch ran-amser mewn Gwyddor Data ym Mhrifysgol Cymru y Drindod Dewi Sant a fydd yn dechrau ym mis Medi 2021.



ACHUB
BYWYDAU



GIG
CYMRU
NHS
WALES

Iechyd a Gofal
Digidol Cymru
Digital Health
and Care Wales

TÎM TECHNOLEG GWYBODAETH A CHYFATHREBU (3 PRENTISIAETH)

Byddwch wedi'ch lleoli yn ein swyddfa yng Nghaerdydd a byddwch yn ennill profiad mewn nifer o feysydd yn ein Cyfarwyddiaeth TGCh sy'n gyfrifol am lu o wasanaethau digidol ledled GIG Cymru, gan gynnwys: Seiberddiogelwch, gwasanaethau Cwmwl, Rhwydweithio, Monitro, rhwydwaith ardal storio a gweinydd storio, Teleffoni, Fideogynadledda, DNS, Redhat Linux, SQL, Dilysu, Office 365 ynghyd ag ystod o wasanaethau seilwaith craidd eraill.

Mae'r maes gwaith yn cynnwys darparu gwasanaeth gweinyddol cywir ac effeithlon a bydd yn cefnogi rheoli'r canolfannau data cenedlaethol a'r amgylcheddau cwmwl sy'n gartref i systemau clinigol a chritigol GIG Cymru a ddarperir yn ganolog. Bydd y rôl yn rhoi cyfle i brofi set amrywiol a heriol o dasgau a bydd yr unigolyn llwyddiannus yn gweithio ar draws yr holl dimau seilwaith gweithredol, gan helpu i ddatblygu, cynnal a chefnogi gwasanaethau cenedlaethol.

Bydd y cyfle hwn i weithio ar draws technolegau ynghyd â pha mor gritigol yw'r gwasanaethau yn cynnig dealltwriaeth eang o'r heriau technegol sy'n gysylltiedig â darparu gwasanaethau a sicrhau eu bod yn parhau. Mae'r rôl yn cynnig y gallu i weithio gyda'r holl dimau a byddwch hefyd yn ymgymryd ag un o nifer o gymwysterau gradd ddigidol uwch i brentisiaid (a benderfynwyd gan eich Pennaeth Adran) a hynny'n rhan amser, a fydd yn dechrau ym mis Medi 2021.



TÎM CYNLLUNIO A PHERFFORMIAD (1 BRENTISIAETH)

Fel prentis cynllunio a pherfformiad, byddwch chi'n mynd i'r afael â sut mae'r sefydliad yn cynllunio blaenoriaethau a gweithgareddau ac yna'n monitro ble rydym ni arni yn erbyn cynllun. Mae'r gwaith yn eang ac yn adeiladu eich gwybodaeth ar draws y sefydliad cyfan.

Mae sylw i fanylion yn hanfodol a brwdfrydedd i ddysgu am offer digidol newydd. Byddwch yn helpu i gydlyn cynlluniau, trefnu gweithdai, llunio adroddiadau perfformiad a chefnogi prosiectau penodol i gyflawni ein systemau.

Bydd eich safle gwaith yn cael ei drafod yn y cyfweiliad, yn ogystal â'r posibilrwydd o rywfaint o weithio gartref. Byddwch yn astudio ar gyfer cymhwyster Lefel 3 mewn Gwybodeg Iechyd a fydd yn eich cefnogi i ddatblygu sgiliau newydd.

Mae'r rhain yn gyfleoedd cyffrous i ymuno â rhaglen arloesol wrth ennill cyflog (£19,737 ar hyn o bryd).

Bydd gennych fynediad at gyrsiau sydd wedi'u dewis yn arbennig ar gyfer y rôl ac fe'ch cefnogir gan fentoriaid a rheolwyr profiadol trwy gydol eich prentisiaeth. Fel prentis sy'n gweithio mewn sector sy'n tyfu'n gyflym, byddwch yn ennill ac yn datblygu'ch sgiliau ac yn dod yn weithiwr iechyd a gofal digidol proffesiynol y dyfodol.

I WNEUD CAIS, anfonwch CV a llythyr eglurhaol yn nodi pa rôl y byddai gennych ddiddordeb ynddi a dweud wrthym pam eich bod yn berffaith ar gyfer prentisiaeth gydag IGDC DHCW.Apprenticeships@wales.nhs.uk

Y DYDDIAD CAU ar gyfer ceisiadau yw dydd Gwener 16 Gorffennaf 2021 am 5pm



Rydym yn awyddus i ddenu ystod eang o ymgeiswyr o gefndiroedd amrywiol. Os oes gennych chi'r ddawn, cymhelliad ac agwedd gywir, rydym am glywed gennych chi.

Nodwch pa brentisiaeth yr hoffech wneud cais amdani, gan sicrhau bod eich llythyr eglurhaol yn fanwl ac yn benodol i'r ffordd rydych chi'n cwrdd â gofynion y rôl.